



JAVNI POZIV: 700.000 EUR za partnerstva u oblasti tehnoloških inovacija

Sarajevo, Bosna i Hercegovina - U utorak, 7. februara 2023. godine, InnoDIGI/EU4DigitalSME tim, održat će hibridni događaj na kojem će gospodin **Stefano Ellero**, šef kooperacija u Delegaciji EU, **Eva Näher**, direktorica programa u GIZ-u i **Snežana Tomašević**, grant menadžerica u GIZ-u, svečano otvoriti **Prvi poziv za podnošenje prijedloga projekata za pružanje podrške inovativnim tehnološkim projektima** primjenjivim u industriji kroz javno-privatna i privatno-privatna partnerstva između industrije, udruženja, poslovnih mreža i institucija za istraživanje i razvoj u implementacija mjera usmjerenih na tehnološku transformaciju malih i srednjih preduzeća u cilju podrške njihovom rastu i primjeni njihovih inovativnih rješenja.

Javni poziv je nastojanje projekta [EU4DigitalSME](#) koji sufinansiraju Evropska unija i Ministarstvo za ekonomski razvoj i saradnju SR Njemačke, a implementira GIZ, da poveća kapacitet BiH da podrži razvoj privatnog sektora kroz inovacije i digitalizaciju. **Poziv je fokusiran na transfer znanja i razmjenu sa organizacijama za istraživanje i razvoj (Research & Development) iz zemalja Zapadnog Balkana, a ukupan budžet iznosi 700.000,00 EUR.**

Pozivom za pravna lica ohrabrujemo saradnju između privatnog sektora i institucija za istraživanje i pozivamo pravna lica, javne i privatne institucije za istraživanje i razvoj i obrazovne institucije, kao i organizacije za podršku poslovanju i razvojna tijela (agencije) da apliciraju zajedno.

Čast nam je i zadovoljstvo pozvati Vas da učestvujete u otvaranju Poziva online, registracijom na linku [Microsoft Virtual Events Powered by Teams](#) najdalje do ponedjeljka 6. februara 2023.

Isti dan, nakon svečanog otvaranja Poziv će biti dostupan na web stranici projekta [www.EU4DigitalSME.ba](#).

Doprinos povećanju upotrebe digitalnih tehnologija i digitalnih inovacija rezultirat će povećanim performansama i konkurentnošću kako malih i srednjih preduzeća, tako i relevantnih davatelja usluga na domaćim, regionalnim i međunarodnim tržištima.

Vrijednost projekta "EU4DigitalSME" je 6.1 miliona eura, od čega je Evropska unija obezbijedila 5 miliona eura, a Savezna Republika Njemačka 1,1 miliona eura. Projekat traje do 2024. godine a provodi ga Deutsche Gesellschaft für Internationale Zusammenarbeit (GIZ) GmbH.